

## Sosial- já tiervâsvuotâministeriö asâttâs

### puásuituállei sajasâšiše enâmusmeereest ihán 2021 adelum sosial- já tiervâsvuotâministeriö asâttâs nubástutmist

Sosial- já tiervâsvuotâministeriö asâttâs miäldásávt  
*nubástuttoo* puásuituállei sajasâšiše enâmusmeereest ihán 2021 adelum sosial- já tiervâsvuotâministeriö asâttâs (1169/2020) 1 § čuávuvávt:

#### 1 §

#### *Sajasâšiše enâmusmeeri*

Puásuituállei sajasâšišeest adelum laavâ (1238/2014) 1 § 1 momentist uáivildum sajasâšiše enâmusmeeri ive 2021 lii 200 tiijmed oovtâ puásuituállei.

Taat asâttâs puátá vuáimán 26. peeivi porgemáánu 2021 já lii vyeimist 31 piäiván juovlámáánu 2021.

Taan asâttâs heiviitdijn sajasâšiše 200 tiijme enâmusmiärán rekinistuvvojeh meiddei puásuituállee ive 2021 ääigi ovdil taan asâttâs vuáimánpuáttim kevttim sajasâšišetiijmeh, moi tovvâtem koloh láá sajanmaksu.

Lasseen 200 tiijme enâmusmiärán puáhtá rekinistid sajasâšiševuoigâdovuodâ uuccâm puásuituállee ive 2021 ääigi ovdil taan asâttâs vuáimánpuáttim kevttim sajasâšišetiijmeh, moi tovvâtem koloh iä lah vala sajanmaksu. Tai sajasâšišetiijmij tovvâtem koloi sajanmaksim puáhtá uuccâd puásuituállei sajasâšišeest adelum laavâ 10 §:st uáivildum uuccâmääigi nuuhâm maŋa, jis uuccâmääigi ij lah tuotâvuodâst máhđuláš čuávvuđ. Sajanmaksimucâmuš kalga toohâd kuittag majemustáá 31 peeivi roovvâdmáánu 2021.

Helsingist 26.8.2021

Perâ- já vuáđupalvâlusminister Krista Kiuru

Haldâttâsčállee Anne Vänskä